



Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

BASES REGULADORAS DAS AXUDAS AS FAMILIAS PARA A ESCOLARIZACIÓN DOS SEUS FILLOS/AS, CURSO 2025/2026.

1.- Disposicións Xerais

Estas normas teñen por obxecto establecer os criterios e procedementos de concesión de axudas para a afrontar os gastos orixinados polo comezo do curso escolar, constituíndo unha acción de fomento que busca a correcta escolarización dos nenos/as pertencentes ás familias menos favorecidas, entendéndose por tales as que se definen nestas bases. A concesión das subvencións previstas nas presentes bases tramitarase en réxime de concorrencia competitiva, tal e como se define na base 21ª das de execución do orzamento.

2.- Obxecto

A presente convocatoria ten por obxecto a concesión de axudas económicas ás familias para atender os gastos orixinados polo comezo do curso escolar de:

* Estudantes de 2º ciclo de educación infantil (3 - 4 e 5 anos), primaria e secundaria.

* Estudantes de FP básica, bacharelato, ciclos formativos.

* Estudantes de ensinanzas do sistema universitario español realizados en centros españois, públicos ou privados, con validez no territorio nacional: ensinanzas conducentes a títulos oficiais de Grao/Máster.

*Estudantes con necesidades educativas especiais con recoñecemento de discapacidade igual ou superior o 33% e estudantes con necesidades educativas de apoio educativo.

3.- Finalidade da axuda

Enténdese por tales gastos a compra de:

*Libros de texto (agás os de primaria e secundaria),

*Material didáctico complementario, material específico e gastos relacionados coa necesidade educativa relacionados directamente cos estudos.

*Roupa deportiva e material deportivo explícito para a materia de educación física (camisetas, chándal, calcetíns, mallas, leggings, deportivos, suadoiro, patíns, raquetas badminton,..).

*Material informático para alumnos/as que estuden en primaria e cursos superiores: tablet, ordenador portátil/mesa, impresora, pantalla, cascos e material consumible.





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

4.- Financiamento da convocatoria

A presente axuda concedida o abeiro destas bases poderán ser concorrentes con subvencións doutras administracións ou entes públicos ou privados, nacionais, da Unión Europea ou de organismos internacionais. O importe total das subvencións en ningún caso poderá ser de tal contía que, illadamente ou en concorrencia con outras subvencións, ingresos ou recursos, supere o gasto realizado polo beneficiario.

Para o financiamento deste programa de axudas existe crédito por importe de 75.000,00 euros na aplicación 320.481.00 do Orzamento Xeral do Concello para 2025.

5.- Número de axudas e importe:

Trátase de 382 axudas a distribuír na forma seguinte:

- 80 para estudos de educación infantil (3 - 4 e 5 anos), de 165 euros cada unha.
- 204 para estudos de educación primaria, secundaria obrigatoria e formación profesional básica, por 150 euros cada unha.
- 40 para estudos de bacharelato e ciclos formativos de grao medio e superior, de 225 euros cada unha.
- 38 para estudos universitarios de grao e máster, de 400 euros cada unha.
- 20 para alumnos con necesidades educativas especiais ou necesidades específicas de apoio educativo, de 350 euros cada unha.

6.- Beneficiarios

Terán a condición de beneficiarias as familias que cumpran os seguintes requisitos:

1º.- Estar empadroados no Concello de A Laracha antes do día 1 de agosto de 2024 un dos pais ou titores legais, así como os fillos/as menores de idade para os que se solicite a axuda. No caso de que o solicitante sexa maior de idade, unicamente será necesario que estea empadroado o solicitante.

2º.- Estar cursando algúns dos estudos subvencionables segundo o apartado 2 das presentes bases. Para o caso de que non se estea matriculado nun curso completo será preciso estar matriculado, cando menos, en tres materias.

3º.- Pertencer a unha unidade familiar con ingresos anuais per cápita non superiores a 12.000€.



**Concello da Laracha**

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

Para o cálculo dos ingresos anuais per cápita dividirase a suma da parte xeral da base imponible previa a aplicación do mínimo persoal e familiar coa base imponible de aforro (casilla 435-460 da declaración de IRPF) de todos os membros da unidade familiar entre o número total de membros da unidade familiar (con independencia de que estean ou non empadroados no Concello). Para as familias monoparentais, familias con fillos/as con discapacidade igual ou superior ao 33% ou fillo/a vítima de violencia de xénero computarase o alumno/a por 1,5. Considerarase a estes efectos, unidade familiar, aos pais/nais ou titores (con independencia de que estean ou non empadroados no Concello), os fillos/as menores de 18 anos e os maiores de idade que non teñan máis de 25 anos sempre que estean estudando e non obteñan ingresos. O límite máximo de ingresos anuais per cápita, no caso de familias numerosas, incrementarase en 602 euros por fillo a partires do terceiro.

Non terá condición de membro computable o agresor nos casos de violencia de xénero.

Terá condición de familia monoparental aquela que acredite que posúe o certificado da Xunta de Galicia.

7.- Obrigas dos beneficiarios:

- *Cumprir as normas establecidas nas bases reguladoras das axudas
- *Xustificar o cumprimento dos requisitos e condicións que determinan a concesión
- *Manter a escolarización durante todo o curso
- *Comunicar por escrito a renuncia á axuda e a causa que a determine no caso de producirse.
- *Cumprir a finalidade para a que foi concedida a axuda
- *Someterse ás actuacións de comprobación e control que polo organismo convocante, deberá aportar tanta información lle sexa requirida á unidade familiar beneficiaria no exercicio das actuacións relacionadas coa concesión da axuda.
- *Comunicar o Concello de A Laracha a obtención doutras subvencións, axudas, ingresos ou recursos para a mesma finalidade que a da axuda obtida.
- *Manter a conta facilitada para o cobro, activa mentres non se teña constancia da finalización do expediente. O pagamento das axudas farase unicamente na conta que os solicitantes fagan constar.

8.- Procedemento de solicitude

Primeiro.- O prazo de presentación de solicitudes iniciarase a partir do día seguinte ó da publicación, por parte da Base de Datos Nacional de Subvencións do extracto da convocatoria das Bases no Boletín Oficial da Provincia, e rematará ás 15:00 horas do día 30 de setembro de 2025.





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

Segundo.- Lugar de presentación: Rexistro Xeral do Concello de A Laracha.

Terceiro.- Documentación obrigatoria que se debe presentar para participar na convocatoria:

a.- IMPRESO- SOLICITUDE, pode descargarse da WEB do Concello ou recollerse na Concellería de Cultura, Deportes e Ensino e no rexistro.

b.- Copia do DNI/NIE do alumno/a e do solicitante (pai, nai ou titor), cando sexa menor de idade. (non será válido o pasaporte)

c.- Copia do Libro de Familia.

d.- Copia da matrícula ou documento oficial do centro que xustifique a condición de estudante:

a) Os estudantes de centros do Concello da Laracha: non presentarán matrícula

b) Os estudantes de centros de ensino fóra do concello da Laracha: matrícula curso 25/26.

c) Os/as universitarios/as e máster: matrícula curso 24-25 e 25-26 onde consten as materias.

e.- Copia do libro de cualificacións, boletín de notas ou expediente académico, curso 24-25.

f.- Autorización expresa o Concello da Laracha para a comprobación dos datos do padrón e da declaración da renda do ano 2024 (impreso de solicitude). Si estes non se poden obter por causas de incompatibilidade material, será requirida ao solicitante.

Para os membros da unidade familiar que non teñan presentada a declaración do I.R.P.F. do ano 2024, ou si forma parte da mesma algún pensionista, deberá presentar calquera documento xustificativo dos ingresos (fotocopias de nóminas, certificados do SEPE, certificado da Seguridade Social dos ingresos percibidos por este concepto). En defecto de todos os medios anteriores, declaración xurada de ingresos.

g.- Certificación bancaria da titularidade da conta corrente do alumno/a, de non posuír, deberán presentar a do titor/a. Si esta información é a mesma que a presentada na convocatoria anterior non terá obriga de achegala.

h.- As solicitudes para alumnos/as con necesidades educativas especiais deberán presentar certificado do grao de discapacidade cunha porcentaxe igual ou superior ao 33%

i.- As solicitudes para alumnos/as con necesidades específicas de apoio educativo deberán presentar certificado ou informe específico do equipo de orientación educativa e psicolóxica ou do departamento de orientación no que se detallen as necesidades educativas.

No caso de que fosen apreciados defectos de forma ou documentación incompleta, requirirase a corrección ou rectificación no prazo de dez días, arquivándose o expediente sen máis trámites se esta non se efectuase.





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

Cuarto.- Documentación complementaria para valorar segundo os casos:

* No caso de que o alumno/a viva durante o curso escolar fora do domicilio familiar poderá presentar fotocopia do contrato de aluguer e recibo de pagamento.

* Para xustificar a condición familiar deberá achegar, libro de familia numerosa, orfandade, convenio regulador ou sentenza si esta fai referencia o convenio, certificado de familia monoparental expedido pola Consellería de Política Social e Xuventude da Xunta de Galicia.

* Para xustificar a situación de vítima de violencia de xénero deberá presentar acreditación mediante sentenza condenatoria, orde de protección ou calquera outra resolución xudicial que acorde unha medida de precaución, informe do Ministerio Fiscal que indique a existencia de indicios de que a demandante é vítima de violencia de xénero ou acreditación da situación de violencia de xénero mediante informe dos servizos sociais ou do Centro de Información ás Mulleres.

A acreditación documental mencionada realizarase mediante a achega de copias simples, sen necesidade de cotexo das mesmas; sen prexuízo de que, ao abeiro do disposto no artigo 28 da Lei 39/2015, de 1 de outubro, do Procedemento Administrativo Común das Administracións Públicas (ou aquelas previsións normativas análogas/concordantes e/ou substitutivas), se poidan requirir a posterior presentación de documentación/información orixinal e o cotexo.

9.- Criterios de outorgamento

Primeiro.- A estimación dos méritos dos solicitantes efectuarase según os criterios do seguinte baremo:

*Expediente académico: estimarase a nota media do último curso aprobado polo solicitante:

- sobresaliente 9-10..... 2 puntos,
- notable 7-8:1,5 puntos,
- ben 6:1 punto,
- P. A.:1 punto,
- suficiente 5, P/promociona sen dificultade.:.....0,5 punto,

*Por cada membro da unidade familiar (entendida esta como os pais/nais ou titores e irmáns) que estean empadroados no Concello: 1 punto por membro.

*Por ser familia monoparental: 1 punto

*Por ser familia numerosa: 1 punto

*Por ser familia con fillos/as con discapacidade igual ou superior ao 33% : 1,5 puntos





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

*Por ser fillo/a con orfandade dos dous proxenitores: 1,5 puntos

*Por ser fillo/a vítima de violencia de xénero: 1,5 puntos

*Por residir o alumno/a en vivenda alugada durante o curso escolar: 0,5 puntos

* Ingresos anuais per cápita:

- ingresos ata 2.500,00 euros: 4 puntos,
- ingresos ata 3.200,00 euros: 3 puntos,
- ingresos ata 4.100,00 euros: 2 puntos,
- ingresos ata 4.500,00 euros: 1 punto.

Segundo.- En base aos criterios de outorgamento anteriormente expostos, a Comisión de valoración, establecerá o seguinte orde de concesión:

*1ª) unha axuda por unidade familiar segundo a puntuación obtida da base 9.1, proponendo conceder a que obteña máis puntuación dentro de cada unha das categorías ata o límite de axudas dispoñibles.

A prioridade na selección dos solicitantes no caso de empate virá determinada por esta orde:

-No caso de ser irmáns os alumnos/as solicitantes, concederáse a de maior importe.

-No caso de alumnos/as solicitantes, a prioridade virá determinada a prol da menor capacidade económica, a prol das mellores cualificacións académicas, e a prol do número de membros da unidade familiar.

*2ª) unha vez outorgadas as subvencións segundo a base 9.1 e de seguir existindo crédito dispoñible, este outorgarase en axudas as familias que cumpran os criterios de outorgamento e que quedaron excluídas por existir máis solicitudes que axudas dispoñibles.

*3ª) unha vez outorgadas segundo a base 9.2.1 e 9.2.2 de seguir existindo crédito dispoñible, este outorgarase proponendo unha segunda axuda as familias numerosas que cumpran o criterio de valoración 9.1 ata rematar o crédito dispoñible.

10.- Propostas de subvencións

A Comisión de valoración de subvencións procederá á proposta de concesión de subvencións segundo os criterios previstos nas presentes bases. A proposta deberá conter a relación de solicitantes





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

para os que se propón a subvención, a súa contía e os criterios de valoración que dean lugar á proposta.

A Comisión de valoración de subvencións terá a seguinte composición:

María Canedo Barreiro, Técnica de Turismo e Cultura

Andrea Rodríguez Lorenzo, Animadora Cultural

Belén Cabeza Bello, Auxiliar da Oficina de Información Xuvenil

Actuará como Secretaria a Auxiliar da Oficina de Información Xuvenil do Concello da Laracha

A Comisión de valoración poderá solicitar a axuda ou delegar en quen estime oportuno dos servizos municipais para a valoración das peticións de axuda a escolarización.

11.- Concesión de subvencións

Posteriormente á proposta efectuada pola Comisión de valoración, a proposta pasará á Intervención Municipal para que realice a súa fiscalización.

A partir da proposta da Comisión de valoración informada pola Intervención, a Xunta de Goberno Local concederá as subvencións mediante acordo no que se especificará a relación de solicitantes aos que se conceden as subvencións e a desestimación das restantes solicitudes.

O prazo máximo para resolver será de dous meses contados a partir da finalización do prazo de solicitude das subvencións.

Será publicado na páxina web municipal e no taboleiro de edictos a relación das axudas concedidas para a posterior xustificación.

12.- Xustificación e pagamento

O pagamento das axudas efectuarase aos beneficiarios no número de conta que se presentou no momento da solicitude unha vez resolta a concesión das mesmas.

A concesión da subvención supón a obriga de xustificación cos seguintes documentos:

a) impreso de xustificación facilitado pola administración.

b) facturas con data entre o 1 de xuño e o 30 de novembro de 2025 por importe igual ou superior o concedido, con todos os requisitos regulamentarios onde reflicte en que consiste o material adquirido como libros de texto (agás os de primaria e secundaria), material didáctico complementario, material específico, vestimenta deportiva e material informático. Os estudantes con necesidades educativas especiais ou necesidades específicas de apoio educativo deberán xustificar o 50% da axuda concedida





Concello da Laracha

Praza do Concello, s/n - 15145 A Laracha - A Coruña

Tlf.: 981 605 001 / Fax: 981 606 331

Sede Electrónica: <https://sede.alaracha.es>

R.E.L. Nº 01150413

C.I.F. P-1504200-E

www.alaracha.es

con gasto relacionado coa necesidade educativa (médicos especialistas, terapias, centros educativos,...).

c) declaración xurada das axudas percibidas polo mesmo concepto e finalidade doutros Organismos e/ou Administracións Públicas. De ter percibidas varias axudas para os mesmos conceptos deberán xustificar con facturas o total das axudas recibidas.

O prazo para xustificar rematará o 30 de novembro de 2025.

O incumprimento da obriga de xustificar a subvención ou si a xustificación é insuficiente, levará consigo o reintegro nas condicións previstas no artigo 37 da Lei 38/2003, de 17 de novembro, Xeral de Subvencións.

13.- Recursos:

A resolucións das convocatorias porán fin á vía administrativa e poderá ser recorrida potestativamente en reposición no prazo dun mes ante o órgano que o ditou ou ser impugnadas mediante a interposición de recurso contencioso administrativo no prazo de dous meses a contar desde o día seguinte ao da data de publicación.

Disposición Adicional

Para o non previsto nestas bases será de aplicación o disposto na Lei 38/2003 ou na Lei 9/2007 de 13 de xuño de Galicia, Xeral de Subvencións, así como as Bases de Execución do Orzamento Xeral do Concello de A Laracha para o ano 2025.

